



Broj : 01-16-3-2958/18-9
Konjic, 27.12. 2018. godine

Na osnovu člana 70. stav (3) Zakona o javnim nabavkama („Sl. glasnik BiH“, broj 39/14), člana 200. Zakona o upravnom postupku (" Službene novine Federacije BiH" broj 2/98 i 48/99) i člana 38. Statuta Općine Konjic (" Službeni glasnik Općine Konjic " br. 4/11;6/11) na preporuku Komisije za javne nabavke u postupku javne nabavke putem Pregovaračkog postupka bez objave obavještenja o nabavci radova pod nazivom " NAKNADNI RADOVI – AMBULANTA PORODIČNE MEDICINE U PODORAŠČU ", Načelnik Općine Konjic, d o n o s i :

RJEŠENJE

o okončanom postupku javne nabavke i izboru najpovoljnijeg ponuđača

1. Ugovor za izvođenje radova u postupku javne nabavke provedene putem Pregovaračkog postupka bez objave obavještenja o nabavci pod nazivom " NAKNADNI RADOVI – AMBULANTA PORODIČNE MEDICINE U PODORAŠČU " dodjeljuje se ponuđaču " GRADNJA-KONJIC " d.o.o Konjic, Mostarska 95; sa ponudom broj: 1523-18/154 od 24.12.2018. godine, za ponuđenu cijenu od 27.371,60 KM (cijena sa uključenim popustom i PDV-om) na osnovu provedenih pregovora i dostavljanja konačne ponude.
2. Izabrani ponuđač dužan je u roku od 5 (pet) dana od dana zaprimanja Rješenja na adresu OPĆINA KONJIC, Maršala Tita 62, 88400 KONJIC; dostaviti orginale ili ovjerene kopije dokaza traženih tačkom 10.1.3. tenderske dokumentacije , ne strarije od 3 (tri) mjeseca od dana predaje ponude.
3. Za izvršenje ove Odluke zadužuju se Služba za prostorno uređenje, građenje i obnovu i Služba za privredu, finansije i društvene djelatnosti.
4. Rješenje o izboru najpovoljnijeg ponuđača objavit će se na web stanici; www.konjic.ba , istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav (6) i članom 71. Zakona o javnim nabavkama BiH.

Obrazloženje

Općina Konjic je , u skladu sa Odlukom o pokretanju postupka javne nabavke broj: 01-16-3-2958/18 od 20.12.2018. godine provela pregovarački postupak bez objave obavještenja o nabavci, pod nazivom : ' NAKNADNI RADOVI – AMBULANTA PORODIČNE MEDICINE U PODORAŠČU ", u skladu sa članom 24. stav (1) tačka (a) Zakona, sa ponuđačem " GRADNJA-KONJIC " d.o.o ; Mostarska 95 ; 88400 Konjic.

Procijenjena vrijednost javne nabavke bez PDV-ea je 23.700,00 KM .

Komisija za javnu nabavku radova imenovana je Odlukom broj: 01-16-3-2958/18-1 od 20.12.2018. godine.

Dana , 26.12.2018. godine , a po prethodno dostavljenom pozivu , je izvršila otvaranje pristiglih ponuda, o čemu je sačinila Zapisnik u kojem je utvrdila slijedeće :

Red. broj	Naziv i sjedište ponuđača	Ukupno ponuđena cijena sa PDV-om
1.	"Gradnja-Konjic" d.o.o Konjic	27.344,77 KM

Nakon izvršenog otvaranja ponuda Komisija je pristupila analizi podnešene dokumentacije u smislu njene validnosti, obzirom na iskazane zahtjeve ugovornog organa u tenderskoj dokumentaciji odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je Komisija konstatovala slijedeće:

- Ponuda ponuđača "GRADNJA-KONJIC" d.o.o KONJIC je prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtjevane u tenderskoj dokumentaciji.

Komisija je nakon provjere kvalifikacionih uslova konstatovala da se može pristupiti provođenju pregovora o svim aspektima početne ponude a koji se tiču tehničkih, finansijskih i pravnih elemenata sa ovlaštenim predstavnikom ponuđača "Gradnja-Konjic" d.o.o Konjic .

Dana 26.12.2018. godine sa početkom u 11:45 sati u Sali za sastanke Općine Konjic održani su pregovori o cijenama iz početne ponude sa ovlaštenim predstavnikom ponuđača "Gradnja-Konjic" d.o.o Konjic G. Senad Hebibović ,te je na kraju zahtijevano dostavljanje konačne ponude.

Dana 26.12.2018. godine u 12:15 sati izvršeno je otvaranje konačne ponude dostavljene od strane ponuđača " Gradnja-Konjic" d.o.o Konjic koja je iznosila :

P o n u đ a č	" Gradnja-Konjic" d.o.o K O N J I C
Cijena naše ponude (bez PDV-a) je	31.162,13
Popust koji dajemo na cijenu (25 %) je	7.790,53
Cijena naše ponude, s uključenim popustom je	23.371,60
PDV na cijenu ponude (s uračunatim popustom)	3.973,17
Ukupna cijena za ugovor je	27.344,77

Komisija za javnu nabavku je prihvatila konačnu ponudu " Gradnja-Konjic" d.o.o Konjic broj 1523-18/154 od 24.12.2018. godine na iznos od 23.371,60 KM (sa PDV) .

Komisija za javnu nabavku jednoglasno je predložila Načelniku općine da donese Rješenje o izboru ponuđača " Gradnja-Konjic" d.o.o Konjic čija je ponuda ocijenjena kao najpovoljnija sa ukupnom cijenom ponude od 23.371,60 KM, te da se ponuđaču " Gradnja-Konjic" d.o.o Konjic i dodjeli Ugovor.

U postupku donošenja ovog Rješenja, posebno su cijenjene činjenice daje Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka Načelnik općine nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

Naime, u postupku je ocijenjeno da je Komisija u svemu pravilno postupila te daje izbor najpovoljnijeg ponuđača izvršen jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. Stav 1) tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ovog Rješenja može se izjaviti žalba, najkasnije u roku od 10 dana od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.


DOSTAVITI:

1. " Gradnja-Konjic" d.o.o Konjic ; Mostarska 95 1 x
2. Načelniku 1 x
3. Služba za prostorno uređenje,građenje i obnovu 1 x
4. Službi za privredu, finansije i društvene djelatnosti
5. Komisiji za otvaranje ponuda 1 x
6. A/a

